

BOSNIA AND HERZEGOVINA
FEDERATION OF BOSNIA AND HERZEGOVINA
**HYDROMETEOROLOGICAL INSTITUTE OF FEDERATION
OF BOSNIA AND HERZEGOVINA**

Broj: 01-11-4-525-22/20
Sarajevo, 17.09.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem, broj: 01-11-4-525-1/20 od 12.05.2020. godine, u ponovnom postupku odlučivanja, a u skladu sa Rješenjem Ureda za razmatranje žalbi, broj: JN-03-07-1-1913-8/20 od 03.09.2020. godine, direktor Federalnog hidrometeorološkog zavoda, d o n o s i

O D L U K U
o izboru najpovoljnijeg ponuđača za nabavku roba
NABAVKA MJERENE OPREME ZA PRAĆENJE KVALITETA ZRAKA
- Analizator ozona (O3) i Analizator azotnih oksida (NOx) -

I.

U cilju odabira najpovoljnijeg ponuđača, u provedenom postupku javne nabavke - Konkurentski zahtjev za dostavu ponuda za javnu nabavku roba - NABAVKA MJERENE OPREME ZA PRAĆENJE KVALITETA ZRAKA - Analizator ozona (O3) i Analizator azotnih oksida (NOx) -, evidencijski broj nabavke (Odluka o pokretanju postupka): 01-11-4-525/20 od 11.05.2020. godine, broj Obavještenja o nabavci sa Portala javnih nabavki: 615-7-1-9-3-2/20 od 23.06.2020. godine, i Ispravka za obavještenje o nabavci broj: 615-7-1-9-8-5/20 dana 30.06.2020. godine, u ponovnom postupku odlučivanja, a u skladu sa rješenjem Ureda za razmatranje žalbi, broj: JN-03-07-1-1913-8/20 od 03.09.2020. godine, kao najbolje ocijenjena prihvatljiva ponuda je ponuda ponuđača **EUNOIA d.o.o. Istočno Sarajevo**, Hilendarska 28, 71123 Istočno Sarajevo, sa ukupnom cijenom ponude sa uračunatim popustom bez PDV-a, u iznosu od **42.730,00 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu konačnu cijenu ponude navedenu u tački I. ove odluke.

III.

Po isteku roka za žalbu, odnosno po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu javnu nabavku shodno uslovima iz tenderske dokumentacije i zakonskim propisima koji regulišu postupke ugovaranja.

IV.

Izabrani ponuđač dužan je dostaviti dokaze o kvalificiranosti iz tačke 13. Tenderske dokumentacije u roku od 5 (pet) dana nakon što bude obaviješten od strane ugovornog organa o rezultatima postupka nabavke.

V.

Za realizaciju ove odluke zadužuje se Sektor opštih poslova.

VI.

Ova Odluka objavit će se na web stranici Zavoda, www.fhmzbih.gov.ba, istovremeno sa upućivanjem iste svim ponuđačima koji su učestvovali u predmetnom postupku javne nabavke, shodno članu 70. stav (6) Zakona o javnim nabavkama.

VII.

Ova Odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke, shodno članu 71. stav (2) Zakona o javnim nabavkama.

Obrazloženje

Ured za razmatranje žalbi, Filijala/Podružnica Mostar (u daljem tekstu: URŽ), je svojim Rješenjem, broj: JN-03-07-1-1913-8/20 od 03.09.2020. godine, u postupku razmatranja žalbe ponuđača EUNOIA d.o.o. Istočno Sarajevo označene brojem: A3-Ž-091-20 od 27.07.2020. godine i izjavljene na Odluku o izboru najpovoljnijeg ponuđača za nabavku roba -NABAVKA MJERENE OPREME ZA PRAĆENJE KVALITETA ZRAKA - Analizator ozona (O3) i Analizator azotnih oksida (NOx) – broj: 01-11-4-525-9/20 od 20.07.2020.godine, žalbu usvojio, poništio predmetnu Odluku i predmet vratio ugovornom organu na ponovni postupak u skladu sa stavovima URŽ iz predmetnog rješenja i zakonskim i podzakonskim propisima iz oblasti javnih nabavke.

Komisija za javne nabavke, imenovana rješenjem direktora Zavoda, broj: 01-11-4-525-1/20 od 12.05.2020. godine, postupajući po Rješenju URŽ broj: JN-03-07-1-1913-8/20 od 03.09.2020. godine, u ponovnom postupku blagovremeno je dostavila Zapisnik o ponovnom pregledu i ocjeni pristiglih ponuda, broj: 01-11-4-525-21/20 od 11.09.2020. godine, te je u postupku analize Zapisnika utvrđeno da je Komisija shodno stavovima i navodima iz Rješenja URŽ broj: JN-03-07-1-1913-8/20 od 03.09.2020. godine, blagovremeno i pravilno izvršila ponovni pregled i ocjenu pristiglih ponuda, o čemu je sačinila zapisnik, te konstatovala slijedeće:

- da je od ukupno 2 (dvije) dostavljene ponude, prihvatljiva 1 (jedna) i to ponuda ponuđača EUNOIA d.o.o. Istočno Sarajevo, dok je ponuda ponuđača E3 d.o.o. Sarajevo ocijenjena kao neprihvatljiva.

- Ponuda ponuđača E3 d.o.o. Sarajevo odbačena je shodno članu 68. stav (4) tačka i) Zakona iz razloga što nije dostavljena u skladu sa uslovima postavljenim tačkom 15.1. Tenderske dokumentacije i u skladu sa odredbama člana 48. stav (3) Zakona o javnim nabavkama koji izričito propisuje šta potvrda o uredno izvršenim ugovorima mora sadržavati, a što je i stav URŽ u postupku razmatranja žalbe ponuđača EUNOIA d.o.o. Istočno Sarajevo, rješenje broj: JN-03-07-1-1913-8/20 od 03.09.2020. godine.

U članu 48. stav (3) Zakona o javnim nabavkama utvrđeno je da potvrda o uredno izvršenim ugovorima mora sadržavati slijedeće podatke: a) naziv i sjedište ugovornih strana ili privrednih subjekata, b) predmet ugovora; c) vrijednost ugovora, d) vrijeme i mjesto izvršenja ugovora, e) navode o uredno izvršenim ugovorima, dok je tačkom 15.1. Tenderske dokumentacije, pod 2) Potvrde o uredno izvršenim ugovorima, utvrđeno da se potvrde o uredno izvršenim ugovorima dostavljaju u originalu ili ovjerenoj kopiji originala ne starijoj od 3 (tri) mjeseca od dana dostavljanja ponude, te da moraju sadržavati slijedeće podatke

- naziv i sjedište ugovornih strana ili privrednih subjekata;
- predmet ugovora;
- vrijednost ugovora;
- vrijeme i mjesto izvršenja ugovora/iskoruke robe;
- navode o uredno izvršenim ugovorima, odnosno da je isporuka robe/opreme izvršena u skladu sa pravilima struke i uspješno okončana.

U ponudi ponuđača E3 d.o.o. Sarajevo Br. P-020-059-010 od 13.07.2020. godine

- str. 21/70 - Potvrda o uredno izvršenom ugovoru, broj: 05-14-39235/19 ZJ od 29.11.2019. godine, ne sadrži navode o mjestu izvršenja ugovora;
- str. 22/70 - Potvrda o uredno izvršenom ugovoru, broj: 05-14-16754/17 ZJ od 24.04.2017. godine, ne sadrži navode o mjestu izvršenja ugovora;
- str. 23/70 - Potvrda o uredno izvršenom ugovoru, broj: 05-14-39240/19 ZJ od 29.11.2019. godine, ne sadrži navode o mjestu izvršenja ugovora.

U ponovnom postupku ocjene i pregleda ponuda Komisija je konstatovala da e-Aukcija nije primjenjiva, shodno članu 3. stav (3) Pravilnika o uslovima i načinu korištenja e-aukcije ("Službeni glasnik BiH", broj 66/16) kojim je propisano da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona. Naime, Komisija je konstatovala da se prednje navedenim rješenjem URŽ o poništenju Odluke o izboru najpovoljnijeg ponuđača, broj: 01-11-4-525-9/20 od 20.07.2020.godine, poništava i e-aukcija od 17.07.2020. godine iz Izvještaja o toku i završetku e-aukcije iz sistema e-nabavke, budući da je u konkretnom slučaju shodno stavovima URŽ primljena 1 (jedna) prihvatljiva ponuda.

Prilog Zapisniku o ponovnom pregledu i ocjeni pristiglih ponuda, broj: 01-11-4-525-21/20 od 11.09.2020. godine, je Rješenje Ureda za razmatranje žalbi, Filijala/Podružnica Mostar, broj: JN2-03-07-1-1913-8/20 od 03.09.2020. godine.

U postupku donošenja ove odluke posebno su cijenjene činjenice da je Komisija, shodno stavovima i navodima iz rješenja URŽ broj: JN2-03-07-1-1913-8/20 od 03.09.2020. godine, u ponovnom postupku pravilno i potpuno izvršila ocjenu kvalificiranosti ponuđača, te ocjenu prispijelih ponuda, shodno kriterijima iz tenderske dokumentacije.


U postupku ocjene provedenog postupka, rukovodilac ugovornog organa nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen shodno stavovima i navodima iz rješenja URŽ broj: JN2-03-07-1-1913-8/20 od 03.09.2020. godine, a u skladu sa Zakonom o javnim nabavkama («Službeni glasnik BiH», broj 39/14), podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđačima koji su učestvovali u postupku javne nabavke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet (5) dana računajući od dana kada su ponuđači primili ovu odluku. Žalba se izjavljuje ugovornom organu - Federalnom hidrometeorološkom zavodu u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



DIREKTOR

Almir Bijedić

Dostaviti:

- Ponuđačima u postupku
 1. EUNOIA d.o.o. Istočno Sarajevo
 2. E3 d.o.o. Sarajevo
- Komisiji
- Sektoru opštih poslova,
- IT Centru,
- a/a.